



Pozivajući se na Strategiju za borbu protiv korupcije u Bosni i Hercegovini (2015-2019) i Akcioni plan za provođenje Strategije za borbu protiv korupcije (2015-2019) u kojima je jasno prepoznata važnost uspostavljanja učinkovitog sistema za koordinaciju antikorupcijskih napora vlasti u BiH, navedene strane



1. Visoka škola "CEPS – Centar za poslovne studije", kojeg zastupa direktor Pred. VŠ Mirzo Selimić, sa sjedištem u Kiseljaku, Ul. Josipa bana Jelačića bb
2. Agencija za prevenciju i koordinaciju borbe protiv korupcije (APIK), koju zastupa direktor Hasim Šabotić, sa sjedištem u Istočnom Sarajevu, Dabrobosanska 26-28

MEMORANDUM O SARADNJI

Član 1.

Visoka škola "CEPS – Centar za poslovne studije" kao nositelj, pruža naučnu, nastavnu i savjetodavnu podršku u oblasti prevencije korupcije i borbi protiv korupcije u obrazovnom sektoru u Bosni i Hercegovini (BiH). Memorandum o saradnji podržava provođenje Strategije za borbu protiv korupcije u Bosni i Hercegovini (2015-2019) i Akcionog plana za provođenje Strategije za borbu protiv korupcije (2015-2019).

Član 2.

Predmet ovog Memoranduma je formaliziranje saradnje između strana potpisnica uključujući naučnu-istraživačku, nastavnu, stručnu i savjetodavnu saradnju u realizaciji mjera iz Akcionog plana za provođenje Strategije za borbu protiv korupcije (2015-2019) u dijelu koji predviđa uključivanje akademske zajednice i udruženja intelektualaca u osmišljavanju i provođenju antikorupcijskih politika i mehanizama.

Član 3.

Saradnja u realizaciji predmetnih aktivnosti ostvariće se kroz načela partnerstva, transparentnosti, odgovornosti i međusobne informiranosti strana potpisnica putem unaprijed utvrđenog kanala komunikacije.

Član 4.

Periodično, kada se to bude smatralo potrebnim, strane potpisnice će organizirati sastanke radi pregleda ostvarenih rezultata u aktivnostima koje se provode na temelju ovog Memoranduma, te u cilju planiranja budućih aktivnosti.

Član 5.

Memorandum definira oblast saradnje, tehničku podršku i pružanje pomoći između strana potpisnica, kroz redovnu razmjenu informacija i zajedničke aktivnosti na prevenciji korupcije, a posebna pažnja će se posvetiti:

- Provedbi Strategije za borbu protiv korupcije u Bosni i Hercegovini (2015-2019) i Akcionog plana za provođenje Strategije za borbu protiv korupcije (2015-2019), te drugih dokumenata iz djelokruga strana potpisnica;
- Mjerama iz Akcionog plan za provođenje Strategije za borbu protiv korupcije (2015-2019), koje su u skladu sa zajedničkim interesima i ciljevima strana potpisnica, te na zagovaranju primjene i promociju istih;
- Saradnja i pružanje pomoći na implementaciji mjera iz Akcionog plana koje se odnose na prevenciju korupcije u oblasti obrazovanja;
- Pružanju ekspertne pomoći i uzajamnoj saradnji u izgradnji i unapređenju sistema u prevenciji korupcije;

- Uzajamne posjete, studijska putovanja i konsultantski rad profesora i naučnih radnika u svrhu razmjene iskustava u nastavnom i naučno-istraživačkom procesu;
- Saradnja u naučno-istraživačkim i stručnim projektima;
- Saradnja na konferencijama, simpozijumima, seminarima i radionicama s ciljem transfera znanja i inovacija u privredi;
- Posjećivanja bitnih događaja u organizaciji drugog potpisnika;
- Razmjena značajnih informacija od obostranog interesa;
- Razmjena i izdavanje publikacija (udžbenici, knjige, zbornici konferencija i časopisa, naučnih i stručnih radova, te ostalih publikacija);
- Učešće u realizaciji Radnih programa u skladu sa sporazumima o implementaciji programa;
- Predmet saradnje mogu biti i drugi razvojni projekti finansirani iz evropskih fondova, te projekti koji se provode u saradnji sa privredom, kao i ostale aktivnosti iz nadležnosti strana potpisnica, definisane pozitivnim zakonskim propisima, koji uređuju oblasti iz nadležnosti strana potpisnica.

Odredbe ovog Memoranduma ne ograničavaju strane potpisnice u obavljanju aktivnosti iz njihove nadležnosti.

Član 6.

Potpisivanjem ovog Memoranduma, strane potpisnice su saglasne sa realizacijom aktivnosti koje su predmet ovog Memoranduma, a koje će se realizirati u skladu sa vremenskim rokovima definiranim Akcionim planom za provođenje Strategije za borbu protiv korupcije (2015 -2019), te odredbama ovog Memoranduma. Strane su saglasne o potrebi promoviranja partnerstva.

Član 7.

Ovaj Memorandum se zaključuje **na period do isteka strateških mjera** koje su predmet ovog Memoranduma, a može se staviti van snage sporazumno ili jednostranim raskidom, ako ne narušava realiziranje aktivnosti koje su u toku.

Član 8.

Obje strane ovog sporazuma saglasne su da će eventualne sporove iz ovog Sporazuma rješavati **sporazumno**, a ukoliko to ne bi bilo moguće ugovaraju nadležnost stvarno nadležnog suda.

Član 9.

Memorandum stupa na snagu i primjenjuje se od dana kada je potpisan od strana potpisnica, a sačinjen je u dva (2) istovjetna primjerka od kojih svakoj strani potpisnici pripada po jedan (1) primjerak.

U Kiseljaku, 01.06.2017.godine

Broj protokola: 01-14-2-389-1/17

Agencija za prevenciju korupcije i
koordinaciju borbe protiv korupcije

Hasim Šabotić, direktor

Visoka škola "CEPS-Centar za poslovne studije"

Pred. VŠ Mirzo Selimić